

**SOALAN LAZIM**  
**BANTUAN KHAS PENGHARGAAN (BKP) PENJAWAT AWAM DAN PESARA KERAJAAN**  
**TAHUN 2023**

**A. PENJAWAT AWAM**

BIL.	SOALAN	KELAYAKAN
<b>Pelaksanaan</b>		
1.	<p>Siapakah penjawat awam yang layak dibayar Bantuan Khas Penghargaan (BKP) Penjawat Awam dan Pesara Kerajaan Tahun 2023?</p>	<p>BKP Penjawat Awam dan Pesara Kerajaan Tahun 2023 dibayar kepada pegawai Perkhidmatan Awam Persekutuan Gred 56<sup>1</sup> dan ke bawah yang dilantik secara tetap, sementara dan <i>Contract of Service</i><sup>2</sup> dengan syarat bahawa pegawai masih berkhidmat pada 10 Ogos 2023.</p> <p>Turut layak diberi kepada pegawai yang bercuti bergaji penuh, pegawai yang bercuti separuh gaji, pegawai yang bercuti tanpa gaji dan pegawai yang dipinjamkan termasuk ke agensi yang diasangkan pengurusan saraannya.</p> <p>Pemberian BKP Penjawat Awam dan Pesara Kerajaan Tahun 2023 turut dipanjangkan kepada guru interim, pemandu yang dilantik sendiri oleh pegawai Gred Jawatan Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya serta pemandu yang dilantik sendiri oleh Anggota Pentadbiran serta Hakim dan Pesuruhjaya Kehakiman.</p> <p>BKP Penjawat Awam dan Pesara Kerajaan Tahun 2023 juga dibayar kepada Personel MySTEP dengan syarat telah dilantik sebelum 10 Ogos 2023 dan masih berkhidmat pada 10 Ogos 2023.</p>

<sup>1</sup> Pegawai di Gred 56 atau setara. Tidak termasuk pegawai yang sedang memangku di Gred Jawatan Utama/ Khas.

<sup>2</sup> Bagi pegawai di bawah *Contract for Service*, surat edaran berasingan akan dikeluarkan oleh Kementerian Kewangan.

BIL.	SOALAN	KELAYAKAN
2.	Berapakah jumlah BKP Penjawat Awam dan Pesara Kerajaan Tahun 2023 yang akan dibayar?	Bantuan Khas Penghargaan (BKP) Penjawat Awam dan Pesara Kerajaan Tahun 2023 sebanyak <b>RM300.00</b> akan dibayar kepada pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56 dan ke bawah termasuk pegawai/kakitangan lantikan kontrak. Di samping itu, BKP Penjawat Awam dan Pesara Kerajaan Tahun 2023 ini turut dipanjangkan kepada pesara Kerajaan termasuk pesara berpencen, penerima pencen terbitan, pesara Skim Kumpulan Wang Simpanan Pekerja (KWSP), pesara bersara pilihan dan belum menerima pencen, veteran berpencen serta veteran tidak berpencen sebanyak <b>RM200.00</b> .
3.	Bilakah BKP Penjawat Awam dan Pesara Kerajaan Tahun 2023 ini akan dibayar dan jabatan manakah yang bertanggungjawab membuat pembayaran tersebut?	BKP Tahun 2023 ini akan dibayar pada <b>10 Ogos 2023</b> dan menjadi tanggungan jabatan di mana pegawai berkhidmat pada tarikh pembayaran.

#### Pegawai Lantikan Baharu

4.	Adakah pegawai yang dilantik pada 3 Ogos 2023 layak menerima BKP Penjawat Awam dan Pesara Kerajaan Tahun 2023?	Pegawai yang telah dilantik tetap dan masih berkhidmat pada 10 Ogos 2023 <b>layak</b> menerima BKP Penjawat Awam dan Pesara Kerajaan Tahun 2023.
----	--	--

#### Pegawai Bercuti Separuh Gaji/Tanpa Gaji

5.	Adakah pegawai yang bercuti separuh gaji/tanpa gaji sepanjang tempoh 1 Januari 2023 hingga 10 Ogos 2023 layak menerima BKP Penjawat Awam dan Pesara Kerajaan Tahun 2023?	Pegawai <b>layak</b> .
----	--	------------------------

#### Pegawai Peminjaman

6.	Adakah pegawai yang dipinjamkan ke Gred Utama/Khas layak menerima BKP Penjawat Awam dan Pesara Kerajaan Tahun 2023?	Pegawai <b>tidak layak</b> kerana pegawai telah menikmati elaun dan kemudahan atas Gred Jawatan Utama/Khas sama seperti pegawai memangku.
----	---	---

#### Pegawai *Contract of Service*

7.	Adakah seorang pegawai lantikan <i>Contract of Service</i> (COS) layak diberi BKP Penjawat Awam dan Pesara	Pegawai <b>tidak layak</b> kerana tidak lagi berada dalam perkhidmatan pada 10 Ogos 2023.
----	--	---

BIL.	SOALAN	KELAYAKAN
	Kerajaan Tahun 2023 sekiranya beliau berkhidmat mulai 1 Oktober 2021 hingga 1 Ogos 2023 dan tidak lagi berkhidmat selepas tarikh tamat kontrak tersebut?	
8.	Adakah seorang pegawai COS yang dilantik pada 1 Januari 2023 hingga 31 Disember 2023 layak diberi BKP Penjawat Awam dan Pesara Kerajaan Tahun 2023?	Pegawai <b>layak</b> dengan syarat masih berada dalam perkhidmatan pada 10 Ogos 2023.
<b>Personel MySTEP</b>		
9.	Adakah seorang Personel MySTEP yang dilantik bermula pada 1 Januari 2023 dan masih berkhidmat pada 10 Ogos 2023 layak diberi BKP Penjawat Awam dan Pesara Kerajaan Tahun 2023?	Personel MySTEP <b>layak</b> dengan syarat telah dilantik sebelum 10 Ogos 2023 dan masih berkhidmat pada 10 Ogos 2023 serta tempoh kontraknya telah berkuat kuasa sekurang-kurangnya 30 hari berturut-turut termasuk Hari Rehat Mingguan, Hari Kelepasan Mingguan dan Hari Kelepasan Am.
10.	Adakah Personel MySTEP yang kontraknya berkuat kuasa dalam tempoh antara 1 Januari 2023 hingga 7 Ogos 2023 dan dilantik semula pada 9 Ogos 2023 layak diberi BKP Penjawat Awam dan Pesara Kerajaan Tahun 2023?	Personel MySTEP <b>layak</b> dengan syarat tempoh perkhidmatan kontrak terdahulu diambil kira bagi tujuan melengkapkan pengiraan 30 hari berturut-turut serta masih berada dalam perkhidmatan pada 10 Ogos 2023.  Ketua Jabatan boleh mempertimbangkan tempoh jurang ( <i>gap</i> ) 1 atau 2 hari bekerja di antara kontrak terdahulu bagi urusan pelantikan semula. Bagi tempoh jurang yang melebihi 2 hari bekerja tidak boleh diambil kira bagi melengkapkan pengiraan 30 hari berturut-turut.
11.	Adakah Personel MySTEP yang kontraknya berkuat kuasa dalam tempoh antara 1 Januari 2023 hingga 30 Julai 2023 dan dilantik semula pada 9 Ogos 2023 layak diberi BKP Penjawat Awam dan Pesara Kerajaan Tahun 2023?	Personel MySTEP <b>tidak layak</b> kerana jurang antara kontrak terdahulu melebihi 2 hari bekerja.

BIL.	SOALAN	KELAYAKAN
12.	Adakah Personel MySTEP yang dilantik bermula pada 1 Januari 2023 dan tamat kontrak pada 1 Ogos 2023 layak diberi BKP Penjawat Awam dan Pesara Kerajaan Tahun 2023?	Personel MySTEP <b>tidak layak</b> kerana tidak lagi berada dalam perkhidmatan pada 10 Ogos 2023.
<b>Pekerja Sambilan Harian (PSH)</b>		
13.	Adakah PSH yang dilantik di bawah Pentadbiran Setiausaha Kerajaan Negeri layak menerima BKP Penjawat Awam dan Pesara Kerajaan Tahun 2023?	Tertakluk kepada penerimaan pakai oleh pihak berkuasa masing-masing seperti yang ditetapkan oleh perenggan 4 Surat Edaran KPPA no. rujukan JPA.800-3/2/4 (33) bertarikh 1 Ogos 2023.
<b>Pelantikan Dalam Perkhidmatan</b>		
14.	Adakah pegawai Perkhidmatan Awam Persekutuan yang dilantik ke skim perkhidmatan lain dalam Perkhidmatan Awam Persekutuan layak diberi BKP Penjawat Awam dan Pesara Kerajaan Tahun 2023?	Pegawai <b>layak</b> walaupun melibatkan 2 skim perkhidmatan yang berbeza dan akan dibayar oleh jabatan di mana pegawai itu berkhidmat.
<b>Hukuman Tatatertib</b>		
15.	Adakah pegawai yang dijatuhkan hukuman amaran pada 10 Ogos 2023 oleh Pihak Berkuasa Tatatertib Kementerian/Jabatan layak diberi BKP Penjawat Awam dan Pesara Kerajaan Tahun 2023?	Pegawai <b>layak</b> kerana hukuman amaran tidak termasuk hukuman yang tidak melayakkan.
16.	Adakah pegawai yang telah dijatuhkan hukuman tatatertib pada November 2022 dan pelaksanaan hukumannya berlanjutan melangkaui tempoh 1 Januari 2023 layak diberi BKP Penjawat Awam dan Pesara Kerajaan Tahun 2023?	Pegawai tersebut <b>layak</b> kerana hukuman dikenakan bukan dalam tempoh 1 Januari 2023 hingga 10 Ogos 2023.
<b>Meninggal Dunia Dalam Perkhidmatan</b>		
17.	Adakah pegawai yang meninggal dunia pada 10 Ogos 2023 layak menerima BKP Penjawat Awam dan Pesara Kerajaan Tahun 2023 sebanyak RM300.00?	Pegawai <b>layak</b> dengan bayaran sebanyak RM300.00 dan akan dibayar oleh jabatan terakhir pegawai berkhidmat.

BIL.	SOALAN	KELAYAKAN
18.	Adakah pegawai yang meninggal dunia sebelum 10 Ogos 2023 layak diberi BKP Penjawat Awam dan Pesara Kerajaan Tahun 2023?	Pegawai <b>layak</b> dan akan dibayar kepada Penerima Pencen Terbitan sebanyak RM200.00.
<b>Pengkorporatan/Penswastaan dan Pengasingan</b>		
19.	Adakah pegawai yang dipinjamkan ke agensi yang diasangkan pengurusan saraannya atau badan antarabangsa atau syarikat swasta sepanjang tempoh 1 Januari 2023 hingga 10 Ogos 2023 layak menerima BKP Penjawat Awam dan Pesara Kerajaan Tahun 2023?	Pegawai <b>layak</b> dan akan dibayar oleh agensi yang menerima peminjaman pegawai (agensi peminjam) tertakluk kepada penerimaan pakai oleh agensi berkenaan.
<b>Meletak Jawatan/Berhenti/Ditamatkan Perkhidmatan</b>		
20.	Adakah pegawai Perkhidmatan Awam Persekutuan yang meletak jawatan/berhenti/ditamatkan perkhidmatan demi kepentingan awam dalam tempoh 1 Januari 2023 hingga 10 Ogos 2023 layak diberi BKP Penjawat Awam dan Pesara Kerajaan Tahun 2023?	Pegawai <b>tidak layak</b> kerana pegawai tidak lagi berada dalam perkhidmatan.

## B. PESARA KERAJAAN

BIL.	SOALAN	KELAYAKAN
<b>Pesara</b>		
21.	Siapakah pesara Kerajaan/ penerima pencen yang layak dibayar BKP Penjawat Awam dan Pesara Kerajaan Tahun 2023?	<p>Pesara Kerajaan yang menerima pencen di bawah undang-undang pencen/Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 yang bersara pada atau sebelum 10 Ogos 2023 bagi semua gred di dalam:</p> <ul style="list-style-type: none"> <li>i) Perkhidmatan Awam Persekutuan (termasuk Polis Diraja Malaysia) dan Negeri;</li> <li>ii) Perkhidmatan Pihak Berkuasa Berkanun (Persekutuan dan Negeri) dan Pihak Berkuasa Tempatan;</li> <li>iii) Perkhidmatan Angkatan Tentera</li> </ul>

BIL.	SOALAN	KELAYAKAN
		<p>Malaysia;</p> <p>iv) Pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan paksa (55/ 56/ 58/ 60 tahun) atau bersara Atas Sebab Kesihatan (ASK); dan</p> <p>v) Pesara Pilihan yang belum menerima pencen.</p> <p>Penerima pencen yang layak menerima BKP Penjawat Awam dan Pesara Kerajaan Tahun 2023 adalah seperti berikut:</p> <ul style="list-style-type: none"> <li>i) Penerima pencen terbitan;</li> <li>ii) Penerima pencen orang tanggungan;</li> <li>iii) Penerima elaun tanggungan;</li> <li>iv) Penerima elaun bersara; dan</li> <li>v) Penerima elaun bersara terbitan.</li> </ul>
22.	Berapakah jumlah bayaran BKP Penjawat Awam dan Pesara Kerajaan Tahun 2023 yang diterima oleh pesara Kerajaan yang menerima pencen/pencen terbitan/pesara Skim KWSP/veteran berpencen/veteran tidak berpencen?	Jumlah bayaran yang diterima oleh pesara Kerajaan yang menerima pencen/pencen terbitan/pesara Skim KWSP/veteran berpencen/veteran tidak berpencen adalah sebanyak <b>RM200.00</b> .
23.	Adakah penerima pencen terbitan yang lebih seorang turut layak dibayar BKP Penjawat Awam dan Pesara Kerajaan Tahun 2023?	<b>Layak</b> dan akan dibayar berasaskan pembahagian sama rata mengikut akaun penerima pencen.
24.	Adakah pegawai yang bersara selepas 10 Ogos 2023 layak menerima BKP Penjawat Awam dan Pesara Kerajaan Tahun 2023 dengan kadar Penjawat Awam sebanyak RM300.00?	Pegawai <b>layak</b> kerana pegawai masih berkhidmat pada 10 Ogos 2023.
25.	Adakah pesara/penerima pencen yang tidak bermastautin di Malaysia layak menerima BKP Penjawat Awam dan Pesara Kerajaan Tahun 2023?	<b>Layak.</b>

BIL.	SOALAN	KELAYAKAN
26.	Siapakah pesara/penerima pencen terbitan yang tidak layak menerima BKP Penjawat Awam dan Pesara Kerajaan Tahun 2023?	<p>Pesara/penerima pencen terbitan yang <b>tidak layak</b> adalah:</p> <ul style="list-style-type: none"> <li>i) Perkhidmatan sebagai Ahli Parlimen atau Anggota Pentadbiran;</li> <li>ii) Perkhidmatan sebagai Setiausaha Politik;</li> <li>iii) Perkhidmatan sebagai Hakim;</li> <li>iv) Penerima pencen Skim Pencen Balu dan Anak Yatim (Semenanjung, Sabah dan Sarawak);</li> <li>v) Penerima bayaran Ex-Gratia Bencana Kerja di bawah 1PP:WP6.3 - Pengurusan Wang Awam;</li> <li>vi) Penerima pencen terbitan di bawah undang-undang pencen/Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 kerana kematian pegawai dalam perkhidmatan selepas 10 Ogos 2023; dan</li> <li>vii) Pegawai berpencen yang melepaskan hak pencen kerana menyertai Badan Berkanun Yang Diasingkan Saraan (BBDS).</li> </ul>
27.	Adakah pesara yang bersara atas dasar penswastaan atau pengkorporatan layak dibayar BKP Penjawat Awam dan Pesara Kerajaan Tahun 2023?	<b>Layak</b> sekiranya mereka adalah penerima pencen.
<b>Pesara dan penerima pencen terbitan yang meninggal dunia dalam persaraan</b>		
28.	Adakah pesara yang meninggal dunia sebelum atau pada 10 Ogos 2023 layak diberi BKP Penjawat Awam dan Pesara Kerajaan Tahun 2023?	<b>Layak</b> dan akan dibayar kepada Penerima Pencen Terbitan sebanyak RM200.00.
29.	Adakah penerima pencen terbitan yang meninggal dunia pada 10 Ogos 2023 layak diberi BKP Penjawat Awam dan Pesara Kerajaan Tahun 2023?	<b>Layak.</b>

BIL.	SOALAN	KELAYAKAN
30.	Adakah penerima pencen terbitan yang meninggal dunia sebelum 10 Ogos 2023 layak diberi BKP Penjawat Awam dan Pesara Kerajaan Tahun 2023?	<b>Tidak Layak.</b>
<b>Veteran/Pesara yang dilantik semula ke dalam perkhidmatan awam</b>		
31.	Adakah veteran/pesara yang dilantik semula secara Tetap, Sementara atau COS dan masih berkhidmat pada 10 Ogos 2023 layak dibayar BKP Penjawat Awam dan Pesara Kerajaan Tahun 2023?	Pesara yang dilantik semula secara Tetap, Sementara atau COS dan masih berkhidmat pada 10 Ogos 2023 <b>layak</b> dibayar BKP Penjawat Awam dan Pesara Kerajaan Tahun 2023 sebanyak RM300.00. Walau bagaimanapun, pembayaran sebanyak RM200.00 akan dibuat oleh Jabatan Perkhidmatan Awam (JPA)/Jabatan Hal Ehwal Veteran (JHEV) dan bakinya RM100.00 akan dibayar oleh jabatan di mana pegawai sedang berkhidmat.
32.	Sekiranya pesara mempunyai rekod di JPA dan JHEV, jabatan manakah yang akan membuat bayaran BKP Penjawat Awam dan Pesara Kerajaan Tahun 2023 kepada pesara tersebut?	BKP Penjawat Awam dan Pesara Kerajaan Tahun 2023 akan dibayar oleh JPA sebanyak RM200.00.